

ԽՈՍՔ ՀԱՋԻԵ ԶՆԴԻԻ 70-ԱՄՅԱԿԻ ԱՌԹԻՎ*

Հայ ժողովրդական առածն ասում է. «Մարդուն լավ ճանաչելու համար պետք է հետը Նրկար ճանապարհ անցնես»։ Հաջիե Զնդիի հետ մենք երեք տասնամյակ քայլել ենք աշխատանքային նույն ուղիով։ 1930-ական թվականների սկզբներին միասին մասնակցել ենք



Կ. Մելիք-Օհանջանյանի գլխավորած բանագիտական խմբարշավներին, շրջել Հայաստանի բազմաթիվ գյուղերում, գրի առել բանահյուսական շատ նյութեր։ 25 տարի մենք համատեղ պաշտոնավարել ենք Հայաստանի կուլտուրայի պատմության, պատմության և գրականության, լեզվի և գրականության, Մանուկ Աբեղյանի անվան գրականության ինստիտուտների բանահյուսության բաժիններում։ Նա զբաղվում էր քրդական, իսկ ես հայ բանահյուսության նյութերի դրաման և ուսումնասիրման գործով։ 1959 թվականից, թեև աշխատում ենք տարբեր հիմնարկներում, սակայն վաղեմի մեր բարեկամությունը շարունակվում է առ այսօր։ Պարբերաբար հանդիպում ենք նրան, ծանոթացնում իրար մեր ընթացիկ կյանքին ու աշխատանքին։

Հաջիե Զնդիի՝ իբրև քրդական ժողովրդական բանարվեստի երգվյալ նվիրյալի մասին ես շատ բան կարող էի ասել, մոտիկից ծանոթ լինելով նրա կատարած մեծ գործին։ Սակայն, տվյալ

դեպքում, դրա անհրաժեշտությունը չկա։ Իր հրատարակած բազմաթիվ գրքերով (քրդերեն, հայերեն և ռուսերեն) նա վաղուց ճանաչված դեմք է ոչ միայն Հայաստանում, Սովետական Միության ուրիշ հանրապետություններում, այլև մեր երկրի սահմաններից դուրս։ Պատահական չէր, որ Իրաքի հանրապետությունում հիմնադրված Քրդական ակադեմիան տարիներ առաջ չհապաղեց նրան ընտրել իր թղթակից անդամը։ Առանձնապես արժեքավոր են Հաջիե Զնդիի «Քրդական ֆոլկլոր» (1936), «Մամե ու Զինե» (1962), «Քրդական ժողովրդական հեքիաթներ» (1964, 1969), «Ռոստամ-Ջալ էպոսի քրդական պատումներ» (1977) խորագրերով գրքերը և, հատկապես, հրատարակության պատրաստ քրդական ժողովրդական առածների ու ասացվածքների ծավալուն համահավաք ժողովածուն, որը մեր խորին համոզմամբ հանդիսանում է հեղինակի գլուխգործոցը։

* Ս. Ս. մարտի 30-ին ՀՍՍՀ ԳԱ արևելագիտության ինստիտուտի և Հայաստանի գրողների Վիճիկյան համատեղ հանդիսավոր նիստում նշվեց գիտության վաստակավոր գործիչ, բանասիրական գիտությունների դոկտոր, գրող Հաջիե Զնդիի ծննդյան 70-ամյակը։ Ստորև տպագրում ենք ՀՍՍՀ ԳԱ ակադեմիկոս Ա. Ղանալանյանի՝ այդ նիստում ունեցած ելույթը։

Հաջիբ Ջնդիի հիշված և չհիշված մյուս գործերը ժամանակի հոլովումով չեն կորցնելու իրենց նշանակությունը: Ռադիոյի, հեռուստատեսության և էլեկտրոնային հաշվիչ մեքենաների մեր դարում այդ գործերը գնալով ավելի ու ավելի են գնահատվելու իբրև քուրդ ժողովրդի աանկրկնելի մանկության գեղարվեստական հիասքանչ հուշամատյաններ:

Ազնվությունը, բարությունը, համեստությունը, խոհեմությունը, երախտագիտությունը, շիտակությունը Հաջիբ Ջնդիի անհատականության անկապտելի բաղադրիչներն են: Մարդու համար այնքան անհրաժեշտ այդ հատկությունները նրան շնորհել է ինքը՝ մայր բնությունը, որոնք նա աչքի լույսի պես պահել ու պահպանել է իր կյանքի ոչ միշտ դուրին ու հարթ ճանապարհին:

Հաջիբ Ջնդին երբևէ չփորձեց ուրիշի հաշվին ուղի հարթել իր համար: Ընդհակառակը, նա սեփական ուժերի ներածին չափ միշտ ձգտեց օգտակար լինել մարդկանց, նրանց հետ կիսեց ազնիվ տքնությամբ ձեռք բերած իր կենսափորձն ու իմացությունները: Միօին և կրտսեր սերնդի այսօրվա քուրդ բանագետներին (և ոչ միայն բանագետներին) զգալի մասը, ժողովրդական արտահայտությամբ ասած, մարդ է դարձել նրա անմիջական օժանդակությամբ և խնամոտ հոգածությամբ:

Քուրդ ժողովրդի երախտաշատ բանագետին, ազնիվ մարդուն, իմ լավ բարեկամին ու գրչակից ընկերոջը, իր ծննդյան 70-ամյակի առթիվ ցանկանում եմ՝ առողջություն, եռանդ և բեղմնավոր աշխատանքի շատ տարիներ: